

Na osnovu člana 17. Zakona o Savjetu ministara Bosne i Hercegovine ("Sl. glasnik BiH", br. 30/03 i 42/03) i člana 176. stav 5. Zakona o carinskoj politici Bosne i Hercegovine ("Sl. glasnik BiH", broj 57/04), Savjet ministara Bosne i Hercegovine, na prijedlog Upravnog odbora Uprave za indirektno oporezivanje, na \_\_\_ sjednici održanoj \_\_\_\_\_ 2005. godine, **d o n i o  
j e**

## **O D L U K U**

### **o postupku ostvarivanja prava na oslobađanje od plaćanja carine pod posebnim uslovima**

#### Član 1.

Ovom odlukom propisuju je bliže odredbe o postupku oslobađanja od plaćanja uvoznih dažbina za robu i proizvode koji se stavljaju u slobodan promet prema članu 176. stav 4. Zakona o carinskoj politici Bosne i Hercegovine, a pod posebnim uslovima propisanim u Prilogu tog zakona (u daljnjem tekstu: Prilog).

#### Član 2.

Radi korištenja carinske povlastice, korisnik povlastice nadležnom carinskom organu, uz pisani zahtjev podnosi:

1. u slučajevima iz člana 3. Priloga:

- dokaza o prebivalištu u Bosni i Hercegovini (u daljem tekstu: BiH),
- potvrda diplomatskog ili konzularnog predstavništva BiH ili druga odgovarajuća isprava, kojom se dokazuje prethodni neprekidni boravak van BiH u trajanju od najmanje 12 mjeseci, odnosno najmanje 12 mjeseci u vremenskom periodu od četiri godine boravka,
- pisanu izjavu korisnika povlastice o:
  - danu njegovog prijavljivanja iz strane zemlje u BiH i da ranije nije koristio carinsku povlasticu iz člana 3. Priloga, te
  - da će ličnu imovinu koristiti u iste svrhe u mjestu prebivališta u BiH,
- popis lične imovine koja se namjerava premjestiti,
- na zahtjev carinskog organa, dokaz da je lična imovina bila u vlasništvu korisnika najmanje šest mjeseci do dana kada je prestao da ima mjesto boravka u stranoj zemlji iz koje dolazi.

Uvoz robe iz člana 3. Priloga može se staviti u promet u više odvojenih pošiljki, s tim da se rok za ostvarivanje povlastice računa od dana ustanovljenja prebivališta u BiH. U tom slučaju korisnik povlastice je dužan priložiti i popis imovine koju je ranije uveo po osnovu člana 3. Priloga, ovjeren od strane carinskih organa.

2. u slučajevima iz člana 4. Priloga:

- akt ovlaštenog pravosudnog organa BiH ili entiteta ili inostranog pravosudnog ili drugog organa o nasljeđivanju lične imovine koja se unosi, u kojem moraju biti navedeni predmeti koji se nasljeđuju.

Izuzetno, na naslijeđene predmete koje je ostavitelj lično koristio (odjeća, obuća i sl.), kao dokaz u smislu predhodne alineje može se podnijeti i izvod iz matične knjige umrlih.

3. u slučajevima iz člana 5. Priloga:

- isprava kojom se dokazuje uobičajeno mjesto boravka van BiH u neprekidnom trajanju najmanje 12 mjeseci,
- dokaz o vlasništvu sekundarnog boravka ili ugovor, ili sličan dokument o iznajmljivanju sekundarnog boravka na period od najmanje dvije godine,
- ispravu o odobrenju boravka u BiH, izdanu od nadležnog organa,
- popis predmeta domaćinstva za opremanje sekundarnog boravka,
- pisanu izjavu korisnika povlastice:
  - da ranije nije koristio carinsku povlasticu iz člana 5. Priloga,
  - da su predmeti domaćinstva korišteni i pripadali mu u periodu od najmanje šest mjeseci prije izvoza,
  - da sekundarni boravak neće iznajmiti trećem licu,
  - o obavezi namirenja carinskog duga za odnosne predmete domaćinstva, koji bi eventualno mogao nastati.

4. u slučajevima iz člana 6. Priloga:

- dokaz o registraciji u BiH,
- pisanu izjavu korisnika povlastice o danu premještanja iz strane zemlje u BiH, te da ranije nije koristio carinsku povlasticu iz člana 6. Priloga,
- izvod iz sudskog registra ili drugi odgovarajući dokumenat, koji sadrži odobrenje za obavljanje odnosne privredne ili druge djelatnosti, odnosno predstavlja dokaz o ispunjavanju uslova za obavljanje iste,
- specifikaciju upotrebljivanih sredstava za proizvodnju i druge opreme koja se uvozi iz inostranstva s oznakom njihovog trgovačkog naziva, tarifne oznake i količine za svaku stavku pojedinačno, te ukupnu vrijednosti robe koja se uvozi,
- dokaz da su sredstva za proizvodnju i druga oprema korištena u tome preduzeću najmanje 12 mjeseci do dana kada je to preduzeće prestalo da posluje u trećoj zemlji.

5. u slučajevima iz člana 7. Priloga:

- pisanu izjavu korisnika povlastice da su proizvodi koji se uvoze dobijeni sa imanja smještenih u zemlji koja se graniči sa carinskim područjem BiH, a na kojima rade poljoprivrednici koji svoje preuzetništvo imaju u navedenom carinskom području koje graniči sa stranom zemljom,
- popis proizvoda koji se uvoze.

6. u slučajevima iz člana 8. Priloga:

- pisanu izjavu korisnika povlastice da su sjemena, đubriva i drugi proizvodi potrebni za obradu posjeda,
- popis proizvoda koji se uvoze,
- dokaz da korisnik povlastice posjeduje imanje koje se nalazi u carinskom području BiH koje se graniči sa stranom zemljom.

7. u slučajevima iz člana 9. i 10. Priloga:

- akt nadležnog organa o registraciji, odnosno odobrenju rada organizacije za obavljanje humanitarne djelatnosti, odnosno akt vjerske zajednice u čijem je sklopu organizovano obavljanje odnosne dobrotvorne djelatnosti, koja sadrži podatke:
  - da korisnik olakšice ima pravni status humanitarne organizacije, odnosno dobrotvorne djelatnosti vjerske zajednice, odobrenih od strane entiteta ili Države,
  - da ima organizovanu knjigovodstvenu evidenciju o krajnjim korisnicima i načinu pružanja pomoći koja omogućuje u carinskom pravnom smislu provjeravanje ispravnosti poslovanja predmetnom robom, te

- da je roba koja se uvozi, saglasno pravilima humanitarne organizacije odnosno vjerske zajednice, namijenjena besplatnoj podjeli ili upotrebi, od strane krajnjih korisnika (ugrožene osobe i žrtve nesreće),
- dokaz da se roba i oprema šalju besplatno.

8. u slučajevima iz člana 11. Priloga:

- akt o registraciji humanitarne organizacije, odnosno udruženja slijepih lica,
- pismenu izjavu da je uvezena roba namijenjena za upotrebu od strane slijepih lica,
- dokaz nadležne zdravstvene ustanove da se radi o slijepom licu,

U slučaju kada se roba iz stava 3. člana 11. Priloga uvozi naknadno, podnosi se kopija carinske prijave o puštanju u slobodan promet robe iz stava 1. i 2. ovog člana.

9. u slučajevima iz člana 12. Priloga:

- akt o registraciji institucije ili ustanove, odnosno udruženja hendikepiranih lica u kojima se obavlja obrazovanje i pružanje pomoći hendikepiranim licima,
- pismenu izjavu da je uvezena roba isključivo namijenjena za upotrebu od strane hendikepiranih lica,
- potvrdu privredne komore da se predmetna roba ne proizvodi u BiH,
- dokaz nadležne zdravstvene ustanove da se radi o hendikepiranom licu.

U slučaju kada se roba iz člana 12. stav 3. Priloga uvozi naknadno, podnosi se kopija carinske prijave o puštanju u slobodan promet robe iz stava 1. i 2. ovog člana.

10. u slučajevima iz člana 13. Priloga:

a) *ratni vojni invalidi:*

- ovjerenu kopiju nalaza nadležnog organa ili komisije o utvrđenom stepenu invaliditeta za ratne vojne invalide od najmanje 70% odnosno mišljenje nadležne komisije za ocijenu invalidnosti i potvrda ljekara odgovarajuće specijalnosti da se radi o amputacijama ili težem oštećenju ekstremiteta za ratne vojne invalide od 50% i više, ukoliko se radi o amputacijama i težim oštećenjima ekstremiteta,
- potvrdu resornog ministarstva da se radi o ratnom vojnom invalidu.

b) *ostala invalidna lica:*

- rješenje nadležnog organa ili komisije kojim je utvrđeno tjelesno oštećenje od najmanje 80%, a koje se odnose na organe za kretanje, organe vida ili teži oblik retardiranosti ili paralize.

11. u slučajevima iz člana 15. Priloga:

- dokaz o činjenicama ili okolnostima koje predstavljaju osnov za oslobađanje od plaćanja uvoznih dažbina,
- ovjeren spisak dokumenata i predmeta sa oznakom u kojem se cilju šalju,

12. u slučajevima iz člana 16. Priloga:

- ovjeren spisak robe za koju se traži primjena člana 16. Priloga,
- izjavu da se štampani i reklamni materijal šalje besplatno i da će besplatno biti podjeljen u reklamne svrhe, odnosno da se besplatno šalju uzorci koji će biti upotrijebljeni isključivo u svrhu za koju se uvozi.

13. u slučajevima iz člana 17. Priloga.:

- pisanu izjavu da primjerci uvezene robe predstavljaju uzorak koji se uvozi u vezi sa provođenjem postupka za ostvarivanje prava po osnovu autorskog ili industrijskog vlasništva,

- dokument koji omogućuje utvrđivanje identičnosti u carinskom pravnom smislu (crteži, skice, slike i sl.), te
- kopiju zahtjeva za priznavanje prava autorskog ili industrijskog vlasništva u vezi predmetne robe, odnosno kopiju punomoći za pokretanje tog postupka.

14. u slučajevima iz člana 18. Priloga:

- pisanu izjavu da se roba uvozi u cilju pretraga, analiza ili testiranja.

15. u slučajevima iz člana 19. Priloga:

- u zahtjevu se navode okolnosti i uslovi dobivanja predmetnog odlikovanja, odnosno priznanja u inostranstvu, s kratkim opisom predmeta koji se uvozi,
- kopiju dokumenata o dodijeli odlikovanja, odnosno priznanja.

16. u slučajevima iz člana 20. Priloga:

- pisanu izjavu korisnika povlastice da će uvezenu robu koristiti za obavljanje određene djelatnosti,
- akt resornog organa za kulturu o pravnom statusu korisnika povlastice i podobnosti robe za obavljanje određene djelatnosti,
- potvrdu Vanjskotrgovinske komore BiH da se predmetna roba ne proizvodi u BiH, za robe za koje je to predviđeno
- u slučaju iz člana 20. tačke 6. Priloga i ispravu kojom se dokazuje uvoz robe po osnovu poklona.

U slučaju kada se roba iz člana 20. stav 5. Priloga uvozi naknadno, podnosi se kopija carinske prijave o puštanju u slobodan promet robe iz stava 2 i 3. ovog člana.

17. u slučajevima iz člana 21. Priloga:

- pisanu izjavu korisnika povlastice da se životinje koje su posebno pripremljene za laboratorijsku upotrebu i biološke ili hemijske materije za koje ne postoji ekvivalentna proizvodnja u BiH uvoze isključivo u nekomercijalne svrhe,
- odgovarajuću potvrdu resornog ministarstva o pravnom statusu korisnika povlastice, vrsti, količini, vrijednosti i namjeni robe.

18. u slučajevima iz člana 22. Priloga:

- pisanu izjavu korisnika povlastice da se tarapeutske supstance ljudskog porijekla i reagensi za određivanje krvnih grupa i tipova tkiva uvoze isključivo u nekomercijalne i naučne ciljeve,
- odgovarajuću potvrdu Ministarstva zdravlja o pravnom statusu korisnika povlastice, vrsti, količini, vrijednosti i namjeni robe,
- potvrdu o podudarnosti izdatu od nadležnog organa u zemlji polaska.

19. u slučajevima iz člana 23. Priloga:

- pisanu izjavu korisnika povlastice da se farmaceutski proizvodi koriste na međunarodnim sportskim manifestacijama,
- popis proizvoda.

20. u slučajevima iz člana 25. Priloga:

- dokaz o boravku u BiH,
- pisanu izjavu korisnika povlastice o danu premještanja iz strane zemlje u BiH,
- popis robe koja se uvozi povodom vjenčanja,
- dokaz o neprekidnom boravku van BiH u periodu od 12 mjeseci,
- dokaz o vjenčanju.

21. u slučajevima iz člana 26. Priloga:

- ispravu o odobrenju boravka u BiH, izdanu od nadležnog organa,
- pisanu izjavu korisnika povlastice da su školska oprema i materijal i drugi predmeti domaćinstva namijenjeni za njihovu ličnu upotrebu za vrijeme školovanja u BiH, te da ovu povlasticu nije koristio tokom tekuće školske godine,
- popis predmeta koji se uvoze,
- dokaz da je korisnik olakšice upisan u školsku ustanovu na području BiH.

22. u slučajevima iz člana 28. Priloga:

- akt organa BiH nadležnog za odgovarajuće upravno područje kojim se utvrđuje postojanje uslova ili okolnosti, koje su prema odredbama predmetnog međunarodnog sporazuma i konvencije mjerodavne za ostvarivanje oslobađanja od plaćanja uvoznih dažbina,
- potvrdu Vanjskotrgovinske komore da se odnosna roba ne proizvodi u BiH, ako je ta okolnost, prema odredbama međunarodnog sporazuma, mjerodavna za ostvarivanje odnosne carinske povlastice.

### Član 3.

Rješenje o oslobađanju od plaćanja uvoznih dažbina donosi carinski organ nadležan prema mjestu prebivališta ili boravka korisnika povlastice.

U slučajevima iz člana 7., 8., 15., 16., 19., 23., 26., i 28. Priloga (u slučajevima kada je to tehnički moguće) rješenje o oslobađanju od plaćanja carine donosi se u vidu zabilješke na podnijetoj carinskoj prijavi, odnosno zahtjevu za oslobađanje od plaćanja uvoznih dažbina.

U slučajevima iz čl. 2., 14., 24. i 27. oslobađanje od plaćanja uvoznih dažbina odobrava se usmeno.

### Član 4.

Danom stupanja na snagu ove odluke prestaje da važi Odluka o postupku ostvarivanja prava na oslobađanje od plaćanja carine pod posebnim uslovima ("Službeni glasnik BiH", broj 14/01).

### Član 5.

Zahtjevi za oslobađanje od plaćanja uvoznih dažbina za robu i proizvode iz Priloga zaprimljeni nakon početka primjene Zakona o carinskoj politici Bosne i Hercegovine ("Sl. glasnik BiH", broj 57/04), a koji do primjene ove odluke nisu riješeni, rješavat će se u skladu sa odredbama ove odluke.

### Član 6.

Ova odluka stupa na snagu osmog dana od dana objavljivanja u "Službenom glasniku Bosne i Hercegovine".

**Predsjedavajući  
Savjeta ministara BiH**

**Adnan Terzić, s.r.**

Broj: \_\_\_\_\_

Dana, \_\_\_\_\_